

বসন্ত সংখ্যা ২০২৬

১ম সংখ্যা · ৬ জুন ২০২৬ · ২৩ জ্যৈষ্ঠ ১৪৩৩ · শনিবার

খেলাঘরের বন্ধুদের লেখা ছড়া, গল্প আর প্রবন্ধ নিয়ে দেয়াল পত্রিকার প্রথম সংখ্যা।

সম্পাদকীয় · ১

কথামুখ

সম্পাদকমণ্ডলী

অনেক দিনের ইচ্ছে ছিল আমাদের নিজেদের একটা পত্রিকা হবে। শাখা আসরগুলোতে যে ছড়া, গল্প আর ছবি জমা পড়ে, সেগুলো শুধু আসরের দেয়ালেই থেকে যেত।

এবার সেগুলো সবার কাছে পৌঁছে দেওয়ার চেষ্টা। বন্ধুরা, তোমরাও লিখে পাঠাও — পরের সংখ্যায় তোমার লেখাটিও থাকতে পারে।

ছড়া · ২

ফাগুন এলো

মেহজাবিন চৌধুরী · বয়স ৯, মিরপুর আসর

ফাগুন এলো ফাগুন এলো

গাছে গাছে ফুল,

কোকিল ডাকে সারাটা দিন

বাতাস দোলায় চুল।

আমরা সবাই মিলে আজ

বাসন্তী রং মাখি,

খেলাঘরের উঠোন জুড়ে

হাসির ছবি আঁকি।

গল্প · ৩

হারিয়ে যাওয়া ঘুড়ি

ইমরান হোসেন · বয়স ১২, বরিশাল আসর

ঘুড়িটা ছিল লাল-সবুজ। বাবা নিজের হাতে বানিয়ে দিয়েছিলেন, কাগজ কেটে, বাঁশের কঞ্চি চেষ্টে।

এক বিকেলে সুতো ছিঁড়ে সেটা উড়ে গেল নদীর ওপারে। আমি অনেকক্ষণ তাকিয়ে ছিলাম।

বাবা বললেন, "মন খারাপ কোরো না। ঘুড়ি হারায় না, উড়ে যায়। যা উড়তে জানে তাকে ধরে রাখতে নেই।"

কথাটা তখন বুঝিনি। এখন একটু একটু বুঝি।

প্রবন্ধ · ৪

আকাশে কেন তারা মিটমিট করে

সাদমান রহমান · বয়স ১৪, রাজশাহী আসর

রাতের আকাশে তাকালে দেখা যায় তারাগুলো যেন চোখ পিটপিট করছে। কিন্তু আসলে তারারা মিটমিট করে না।

তারার আলো আমাদের চোখে আসার আগে বাতাসের অনেকগুলো স্তর পেরিয়ে আসে। প্রতিটি স্তরের তাপমাত্রা আলাদা, ঘনত্বও আলাদা। আলো যখন এক স্তর থেকে আরেক স্তরে যায়, একটু করে বেঁকে যায়।

এই বারবার বেঁকে যাওয়ার ফলেই আমাদের মনে হয় তারাটা কাঁপছে। মহাকাশ থেকে দেখলে তারারা স্থির — একটুও মিটমিট করে না।

সত্যশ্রয়ী খেলাঘর আসর — <https://sattashroyi.itbd.info>